

[www.BibleForChildren.org](http://www.BibleForChildren.org)



# Yohana 14




Yesu akabhapwaghile, "Ngamwikubha na choghohi mumitima jinu, munhobhale Chapanga, mnihobhalya na nepani bhelabhela. Munyumba ja Atati wangu kubhi na matamu ghamaheli, ikabhi ngabhela, nakabya numpwaghile."



“Ndandi nyenda kunhandalila matamu. Ngati anambiti na kunhandalila matamu, ananhika kabhete, na kuntola mwehapa kwangu, nahuli pandu pamili nepani, na mwehapa mbyaje.”



Nepani Yohana, nundongu winu kwa kulombana na Yesu, nombana papamu na mwehapa mu mang'ahiku na Ukolongwa na uhinakilu.




Nepani nakapelakiki muchifungo mu chilu  
chechilowakeka Patimo, maghambu nakabhi  
nabhatangazi bhandu Lilobhi laka




ghowayekuliwi  
na Yesu.




Palapala nakatolakiki na Roho. Lingalyaje, nakumbweni jumu atami panani ja chiteu cha kikolongwa chela.




Kabhete nakajowini kila chiumbi chechibhi kunani  
kumahunde na pundema, pahi ja pundema, mubahali  
na yokapi yeibhi mkati jaki,  
ikajembaje, "Mbengalelu na  
utopelu na ulumbalilu na uweza,  
ibhi najombi joatama pachitehu  
cha kikolongwa na kwaka  
Mwanambebele,  
hata mileli  
na mileli!"



Nakauweni Muchi Uhuhu, Yelusalemu jahenu,  
ukahelalaje kuhuma kunani kwaka Chapanga. Ukabhi  
ubhekakiki wichu ngati mabhu ndowa joapambakiki  
kwa ndandi ja kuhimangana na ndomi waki.




Nakajowini sauti ngolongwa kuhuma pa chiteu cha kikolongwa pala, jakapwaghaje, "Lingalyaje! Sajenu Nyumba jaka Chapanga jibhi papamu na bhandu! Anaatamaje pachilanda jabhu, nabhombi anabhakubhaje bhandu bhaki. Najombi anaakubhaje Chapanga wabhu."



Bhela, mtumika wa kunani kumahundi jola akanangi nkoka wa machi gha womi, ukabhi ung'anya ngati chioo, ukabhi unyila kuhumi pa chiteu cha kikolongwa chaka Chapanga na chaka Mwanambebelele.



Muchi ghonihoghu ngacheupala lyobha wala  
lubhahamwehi kuumulakila, maghambu ulumbalilu waka  
Chapanga nde ghoulumakila, na taa jaki nde  
Mwanambelesi jola.



Njeta chindu chokapi changakujetakalewa palongi jaka  
Chapanga chechijingala mu muchi ghonihoghu, wala  
mundu jokapi joahenga mambu  
gha iyoni na gha upuhe  
ngaijingi monihomo.

Nambu bhala pela  
bhabhalembakiki mahina  
ghabhu mu chitabu cha  
womi chaka

Mwanambelevi nde  
bhabhijingalaje mu  
muchu ghonihoghu.




“Chapanga anaabhahungulaje maholi ghokapi mu mihu ghabhu. Nyiwa ngajikubhi kabhete, wala maombulezu, wala chilelu, wala mabhinilu, kwa kubha mambu gha kutumbula ghajomwi kupeta.”




Mkati ja muchi ghonihoghu ngakwikubhi na chindu  
chechibhi na masolu kabhete. Na chiteu cha  
kikolongwa chaka Chapanga na chaka Mwanambebele  
anachikubhaje mkati ja muchi hoghu, na bhatumika  
bhaki anabhuntumakyaje.


Anabhapabhona  
pamihu jake, na  
lihina laki  
analilembakikaje  
panani ja ibhongi  
ya pamihu jabho.



Bhela, nakabhaweni bhakuwa bhachoku na bhakolongwa, bhajemiki palongi ja chiteu cha kikolongwa, na itabu ikahoghuliwi. Kabhete chitabu chengi chakahoghuliwe, chitabu chenihechi nde chitabu cha wome. Na bhakuwa bhanihabha bhakatemuliwi kulengana na matendu ghabhu, ngati moghalembakike mu itabu yeniheyi. Anakubhi mundu jokapi jola lihina laki ngachelabhonakini kulembakeka mu chitabu cha womi, akalekaliki mu nhwanga wa moto ghola.



Roho waka Chapanga na mabhu ndowa bhapwaghaje,  
“Uhikaje!” Na jokapi joajowana na apwaghaje,  
“Uhikaje!” Na jokapi joabhi na inywita na ahikaje, na kila  
joapala na aghatola machi gha womi waka.



Maghambu kwa ntundu aghoghu  
Chapanga akaupaliki ndema, hata  
akumbohiki Mwana waki wa  
kanjika, nahuli kila mundu  
joanhobhalela ngayihobha,  
nambu akubhaje na  
womi wa mileli.



Bhalumi 3:23 maghambu bhokapi bhahengiki mahoku na kukepakewa na ulumbalilu waka Chapanga.

Bhalumi 6:23 Kwa ndandi malepu gha mahoku nde kupotela, nambu nhupu waka Chapanga nde womi wa mileli mu kulombana na Kristo Yesu Bambo witu.

Bhaebulania 9:27 Ngati bhela kila mundu moabhekakakile kupotela mala punkamu, na baada ja kupotela kutemuliwa na Chapanga.

Bhaefeso 2:8,9 Maghambu kwa chihomu chaka Chapanga mkengaliwi kwa indela ja uhobhalelu, ambayu yeniheyi ngacheibhokana na mwehapa mwabhete. Nambu nde nhupu kuhuma kwaka Chapanga, wala nga kwa matendu, nahuli mundu jokapi jola ngayihika kulilumbalila.



Bhalumi 10:9,10 Maghambu anaujetakili kwa ndomu waku kubha Yesu nde Bambo, na kuhobhalela muntima waku ja kubha Chapanga akamuhyohiki kuhuma kwa bhakuwa, anaukengaliwaje. Kwa ndandi kwa mtima mundu ahobhalela mbaka kujetakalewa palongi jaka Chapanga, na kwa ndomu mundu ajetakela uhobhalelu mbaka kupata ukengaleku.

Yohana 3:16,17 Maghambu kwa ntundu aghoghu Chapanga akaupaliki ndema, hata akumbohiki Mwana waki wa kanjika, nahuli kila mundu joanhobhalela ngayihobha, nambu akubhaje na womi wa mileli. Kwa ndandi Chapanga ngacheakuntumiki Mwana waki pani pundema nahuli kubhatemula bhandu bha pundema, nambu bhandu bha pundema bhapata kukengalewa kwa indela jaka jombi.



1 Yohana 5:11-13 Na ulandilu wene nde aghogho: kubha Chapanga akatupekihi womi wa mileli, na womi ghonighogu ubhi mkati jaka Mwana waki. Mundu jokapi joabhi na Mwana waka Chapanga, abhi na womi ghonihoghu, nambu mundu jwangakubha na Mwana waka Chapanga, ngacheabhi na womi. Nundembela mwehapa mambu ghanihagha, nahuli mpata kumanya kubha mbi na womi wa mileli mabhanganya mwemulihobhalela Lihina laka Mwana waka Chapanga.



Yohana 14; 2 Bhakolinso 5; Uyekuliku 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Mpoto NT (mpa) ©The Word for the World International  
and Mpoto Language Translation, 2020 All rights reserved.

<https://www.bible.com/bible/3973/MAT.1.OTMPBL2020>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

